

靈寶領教濟度金書卷之五十八

周子

靈寶領教濟度金書卷之五十八

周十

洞微高士開光救苦真人竊全真授

靈寶通玄弘教水南先生林靈真編

科儀立成品開度黃籙齋

散壇儀

燒香頌

各禮師存念如法

奉送五衛靈呪書生文  
此天救命 蘇齋

謝衛於東方之樓帝宮  
外齋束冠 信蘇

九炁青天 明星大神  
煥照東鄉 洞映九門

轉燭陽光 掃穢除氛 開明童子 號曰玄卿  
備衛我軒 上對帝君 收魔束袂 討捕兇羣  
奉承正道 赤書玉文 九天符命 攝龍驛傳  
普天安鎮 我得飛仙

南方

周十

三炁丹天 煥景流光 熒星轉燭 洞照太陽  
上有赤精 合契虛皇 開明童子 號曰華芳  
總御火兵 備守玉堂 斬邪束妖 剪截魔王  
北帝所承 風火衝當 流鈴交換 翊衛壇場  
正炁流行 敢有猖狂 我享上功 坐運魁罡

億劫長存 保天無疆

西方

七炁素天 太白流精

光耀金門

洞朗太冥

中有素皇 號曰帝靈

保神安鎮

衛我身形

斷絕邪源 王道正明

宮殿整肅

三景齊并

道合自然 飛昇紫庭

靈寶符命

普衛萬生

元皇正炁 來合我身 功加一切

天地咸寧

北方

北方玄天 元始徘徊 辰星轉燭 洞煥大微

黑靈尊神 號曰層威 統冠飛天 仙裾羽衣

備守五門 檢精捕非 敢有干試 豁落斬摧

玉符所告 神真八威 邪門閉塞 正道流輝

三光映照 我身無衰 策空駕浮 舉形仙飛

中央

黃炁中央 調理乾坤 陶鎔陰陽 總統玄真

周十

鎮星吐輝 流耀九星 開明童子 號曰天璘

陽炁燄上 朱煥炎精 洞照內外 運我身形

百邪摧落 攝役鬼靈 中山神呪 普天使聞

五靈安鎮 身飛上清

鳴法鼓二十四通

无上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝關啓玄壇天帝神君當召此間  
土地里域真官正神急上關啓臣今奉爲齋  
意其諸情悃具載狀文願得

太上十方至真道炁靈寶妙光下降流入臣  
等身中令臣所啓之誠速達徑御

太上無極大道至真玉皇上帝御前

請稱法位

具位奉行无上黄籙大齋法事小兆臣某與  
臨壇官衆等今故燒香願以是功德上爲七  
世父母

天子王侯土地官長經師籍師度師及山林  
岩棲學真道士同學之人九親門族天下人

周十

三

民蛸飛蠢動跂行喙息一切衆生皈身皈神  
皈命

无土靈寶自然至真大道並勾原赦前生今  
世生死宿罪重過得免離三惡之道五苦八  
難九厄之中臣等身得道真飛行虛空白日

升天侍衛道君逍遙无上七寶自然宮殿永  
與道合所啓玄感應聲上御靈之靈立借人  
至真无極道前

禮十方

坐懺

臣法衆等志心皈身皈神皈命

十方无極大道靈寶天尊懺悔修齋弟子及

臣法衆等自從曠劫以來至于今日或身業

所犯四肢舉措動違戒律不依經典或心業

所犯志念不專情浮意動馳騁不息或口業

所犯善惡及論綺語飾非華辭惑衆因今懺

悔並乞蕩除皆願臣等及齋主某身入至仙  
會道合真神合真寂洞八自然性命合道玄  
會無爲志心稽首禮謝  
无上至真三寶

三卷

樂法以爲妻 愛經如珠玉 持戒制六情  
念道遣所慾 淡泊正氣停 蕭然神靜默  
天魔並敬護 世世享大福

女歸主又

外良白日

鬱鬱家國盛

濟濟經道興

天人同其願

縹緲入大乘  
因心立福田  
靡靡法輪升

七祖生天堂  
我身白日騰

又

大道洞玄虛  
有念無不契  
煉質入仙真

遂成金剛體  
超度三界難  
地獄五苦解

周十

四

悉歸太上經  
靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

次臣等志心稽首禮

玄中大法師

重稱法位

具位奉行无上黃籙大齋法事小兆臣某與

臨壇官衆等謹同誠上啓

太上无極大道元始天尊太上道君太上老  
君高上玉皇无上玄老十方已得道大聖衆  
至真諸君丈人三十六部尊經玄中大法師  
天師君上相上宰上傳四司五帝三界

官屬一切真靈臣等幸生化日獲際真風八  
會龍翔行未圓於修奉九光鳳躍勲莫契於  
操持徒切切以惜分尚悠悠而進寸塵籠混  
迹驚心入谷之慚烟岫馳神勵志沖霄之喜  
誤承帝渥曲湛師恩俾領教於靈虛爰開幽

周十

五

於鬱絕凡有投告敢不上聞具有青詞謹當  
敷奏

宣詞

按如詞旨備切忱恂仰惟三籙簡文混有靈  
而佐命九幽科品會三極以皈誠陽春騰寒

谷之輝膏雨發枯根之潤仰瞻宸極提舊爽  
以飛翔俯軫幽泉沛新釐而洞煥爰肆陳於  
丹笈庸鋪設於黃壇龍璧投誠鳳繒效款鏘  
金鳴玉珮環羅振鷺之班舞翠流珠旌葆降  
和鸞之御自今月某日為始崇建

青國齋

无上黃籙大齋幾晝夜為亡故某披流宿對  
解除前愆然法炬於迷途徑超地禁鼓慧舟  
於彼岸穩步天衢曲荷帝恩俯從民欲九朝  
禮罄荷辟斥於魔靈三日功圓沐開張於聖  
運天人同慶幽顯相歡死籍解除詣南宮而

煉炁生名移注朝北闕以登神天人蒙開度  
之仁動植被生成之澤歡聲無量喜氣難言  
以今香冷金爐聲沉玉籟齋功遐被釐事告  
成羽蓋飛霄返清都之仙仗霓旌翳景回玄  
闕之琅輿凝妙粹於空無融真精於大混寂  
無所寂玄之又玄恩惟

太上三尊十方衆聖垂慈鑒映省覽奏陳其  
有建齋之初上請三洞兵馬六部仙真護道  
辟非承符宣德侍經護法通真命靈十極神  
靈諸司將吏虛空鑒察土地神祇管衛齋盟

具嚴勞績願遵玄格為遷賞而校勲庶表丹  
忱俾升班而進秩臣等承顏玉陛接武瑤班  
昧西靈進退之儀修持弗恪背東華俯仰之  
格存念莫專慮五帝之書愆恐四司之糾過  
希垂恩露曲逭迅霆俾永佐於玄功庶上禋  
於道化所有解壇謝罪言功黃素朱表一通  
在臣洞案之上請省表文

周十

六

宣表  
遣表  
舉願念  
願氣象清玄  
願聖君萬

壽四願化洽八埏五願天垂甘露六願地發  
祥烟七願四時應候八願萬物生全九願家  
多孝悌十願國富才賢十一願齋功廣被十  
二願善瑞日臻  
存神燒香

香官使者左右龍虎君侍香諸靈官當令臣  
建齋之所自然生金液丹碧芝英百靈衆真  
交會在此香火爐前令臣學道得道求仙得  
仙齋主受福幽顯沾恩十方仙童玉女侍衛  
香烟傳臣向來所啓之誠速達徑御

太上无极大道至具玉皇上帝御前

出堂頌

回師

靈寶領教濟度金書卷之五十八

周十



